


TEZAUUR LITURGIC
6 DECEMBRIE

CANONUL
SF. IERARH
NICOLAE,
ARHIEPISCOPUL
MIRELOR LICHIEI



SERBLIAK-03, BELGRAD, 1970



Канон святому Николаю Мирликийскому

Краегранесие: Приношаю ти радуйся, Николае.

Песнь 1

Пастырю добрый Христова стада, радуйся, отче Николае, яко Миряном отец честен и учитель, радуйся, был еси, и мене подаждь еже радуйся приносить ти.

Роди землении стецемся, радуйся приносить глаголюще святителю, яко бо радость приносить вселенней неоскудную.

Иже избавльшему три воеводы от убиения неправеднаго, сего ради вопием ти, Николае, заступниче прибегающим под кров твой.

Песнь 3

Никтоже прибегаяй под кров надежды твоея, отче, тощ от тебе исходит, но радуйся приносить ти, темже и мене подаждь радуйся приносить ти.

Ангели дивятся твоему, преподобне, теплomu заступлению, человецы радуются приемлюще молитвами твоими избавление от напастей бесовских, темже радуйся приносим, Николае

прехвальне.

Шлем и оружие непобедимое на диавола, ти еси христианом утверждение, иерархом удобрение, Николае чудне, радуйся, чудотворче великий, обуреваемым тихое пристанище.

Песнь 4

Апостолом равнопрестольне, радуйся, Николае, яко Ариеву ересь посрамил еси и Велиарова шатания низложил еси своими молитвами, не престай моли о рабех своих.

Юношу онаго от руки амира срацинского избавил еси, родителем же его радость даровал еси, темже ти с ними и мы радуйся приносим, Николае преподобне.

Три воеводы от убиения неправеднаго, чудотворче, спасл еси, явлься во сне царю благочестивому и запретив ему, и от них радуйся приял еси, Николае, и мене укрепи твоими молитвами хвалу приносить ти.

Песнь 5

Иже во иерархах великий, апостолов тезоименне, со ангели равностоятелю престола Владычня неотступне, Ария безумновавша посрамил еси, того ради вопием ти, Николае: Радуйся, святителем удобрение и столпе церковный.

Руку ми даждь, Николае, помощи, моляся ко Господу, зане буря греховная потопляет мя, и приведи ко тихому пристанищу покаяния, отче, твоими молитвами.

Аще и много безаконовах, Николае, но не одступаю надежды покрова твоего, всегда радуйся приносить, ты мя избави от всякия скорби и беды, елика хочещи вся можеши.

Песнь 6

Друг Христов и второй Петр явился еси, отче, радуйся, яко столп еси церковный и чудный орган Духом Святым чудодействуя и бряца, темже, Николае, радуйся приносим ти всегда.

Услышав Константин царь благочестивый во сне прещения твоя, со Евлавием епархом еже о мужех оных неправедно хотящих погубити, вскоре рече отпустить их, тебе же радуйся вопияше, Николае.

Иже кораблю оному потопляюще в мори ты, отче, бысть кормчия, и мне люте обуреваему от помышлений бесовских даждь ми ядрило благоразумия во уме и сердце, яко да всегда радуйся приношу ти, Николае прехвальне.

Песнь 7

Святе Николае, святителю Христов, радуйся, ты радость всем неизглаголанная, и мне подаждь

руку помощи да глаголю ти: Радуйся,
всеблаженне.

Егда услышаша воеводы отпущение из темницы
повелением твоим, взявше свещник принесоша
со свечами, и велием вопияху гласом: Радуйся,
отче преподобне, избавление наше.

Некогда услышал еси в тамнице связанных,
услыши и мене, Николае, радуйся приносяща ти,
исхити мя огня геенскаго.

Песнь 8

Иже апостолом сопрестольниче, иже ангелом
служителю Святыя Троицы, Николае прехвальне,
радуйся, и мне даруй радость молитвами си.

Кормчие обуреваемым, Николае, и бурю моих
страстей еже от прилога бесовскаго утиши, яко
прочее не могу терпети, но вопию: Радуйся,
избавителю мой и теплый предстателю.

О, колика туга обдержит мя от стреляний
бесовских, язвы терпети ми несть мощно,
пластыра приложить несть врача, но ты ми
приложи пластыр и масло молитв твоих,
Николае, да зову ти: Радуйся, отче преподобне.

Песнь 9

Льстиваго стреляния обдержат мя и стремнины
греховныя, но надеясь покрову твоему, к тебе
прибегаю, отче, яко да отженеши от мене льсти

лукаваго, яко да зову ти: Радуйся, Николае.

Ария безумновавша посрамил еси, пламень же ереси его угасил еси, воеводи связанныя в темнице услышал еси и от них радуйся приял еси, и мы вопием ти, Николае: Радуйся, всеблаженне.

Еже Агрика онаго услышал еси и сына его Василия от амира восхитив и представи его прародителем его сущая здрава во един час от срацин, и мне молящуся исхити недугующу мою душу и грехи обнаженную от огня геенскаго, Николае.

Выкладываю в «Уставные заметки» текст акростишного канона святителю Николаю Чудотворцу, написанного в XVI веке в Сербии. Текст воспроизводится по изданию: *Непознати писац*. Канон светом Николи Мирликијском / **Србљак. Службе, канони, акатисти. Београд: Српска књижевна задруга, 1970. Књига трећа. С. 421 – 433.**

